

Odluka o imenovanju Privremenog administratora za Hercegovačku banku

Koristeci se ovlastenjima koja su mi data u članu V Aneksa 10 (Sporazum o implementaciji civilnog dijela Mirovnog Sporazuma) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o implementaciji civilnog dijela Mirovnog sporazuma; i posebno uzimajući u obzir član II.1.(d) prema kojem Visoki predstavnik "pruža pomoć kada to cijeni neophodnim, u iznalazenju rješenja za sve probleme koji se javu u vezi sa civilnom implementacijom";

Pozivajući se na stav XI.2 Zaključka Vijeća za implementaciju mira koji se sastao u Bonu 9. i 10. decembra 1997. godine, u kojem je Vijeće pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o implementaciji civilnog dijela Mirovnog Sporazuma kako bi pomogao u iznalazenju rješenja za probleme, kako je prethodno receno, "donosjenjem konačnih odluka, kada to bude smatrao neophodnim" u vezi sa određenim pitanjima, uključujući (u skladu sa tačkom (c) ovog stava) "mjere u svrhu obezbjeđenja implementacije Mirovnog Sporazuma na citavoj teritoriji Bosne i Hercegovine i njenih entiteta";

Zapazajući važnost koju je Medjunarodna zajednica pridala pravilnom upravljanju bankovnim sistemom u Bosni i Hercegovini, kao dijelu procesa implementacije mira;

Obaziruci se, poradi primjera pomenutog pridavanja važnosti, na pozdrav Vijeća za implementaciju mira na Konferenciji održanoj u Londonu 4. i 5. decembra 1996. godine, angažiranosti vlasti u Bosni i Hercegovini da usvoje zakone u poljima koja uključuju i bankarstvo; nadalje obaziruci se na stav 44.a) Deklaracije sa sastanka Ministara Upravnog odbora pomenutog Vijeća, koji se održao u Luksemburgu 9. juna 1998. godine na kojem je Odbor napomenuo da bi oba Entiteta trebala usvojiti nove zakonske odredbe; i nadalje, obaziruci se na poziv vlastima Bosne i Hercegovine upućenim od strane pomenutog Vijeća, na njihovoj sjednici održanoj u Briselu 23. i 24. maja 2000. godine, da pomenute vlasti harmoniziraju, sirom zemlje, svoj pristup velikom broju područja uključujući i bankarstvo.

Imajući u vidu opetovanu i duboku zabrinutost koju je izrazila Medjunarodna zajednica, inter alia putem Deklaracije gore navedenog Vijeća koje se, kao što je prethodno receno, sastalo u Briselu 23. i 24. maja 2000. godine, zbog ukorijenjene korupcije u Bosni i Hercegovini koja, osim što ometa razvoj tržišne ekonomije, umanjuje značaj demokratske vlasti i pustoši javne resurse;

Pozivajući se na to da je Vijeće za implementaciju mira, na njihovom navedenom sastanku u Briselu 23. i 24. maja 2000. godine, zahtijevalo od Visokog predstavnika da iskoristi svoj autoritet u skladu sa svojim mandatom da obezbjedi potpunu i ubranu implementaciju u svim sektorima civilne implementacije, uključujući i uklanjanje prepreka koje stoje na putu ekonomskoj reformi.

Pozivajući se na gnusanje koje je Medjunarodna zajednica jasno izrazila u prošlosti u vezi sa paralelnim strukturama u Federaciji Bosne i Hercegovine;

Zapazajući, poradi primjera takvog gnusanja, da je Vijeće za implementaciju mira na pomenutoj Konferenciji održanoj u Londonu 4. i 5. decembra 1996. godine, potvrdilo da sve administrativne i druge strukture u Federaciji moraju biti potpuno i nepovratno integrisane; nadalje, u priopćenju Upravnog odbora pomenutog Vijeća koje se sastalo u Sintru 30. maja 1997. godine se kaže da "Jednostrane radnje, kao što su održavanje administrativnih ili drugih tijela koja su nekonstitutivna, se neće tolerisati"; i da je pomenuto Vijeće kasnije izjavilo na pomenutoj Konferenciji održanoj u Bonu 9. i 10. decembra 1997. godine da su preostale paralelne i para-konstitutivne strukture na području Federacije ilegalne i da se moraju raspustiti, te da "Vlasti u Federaciji trebaju javno obznaniti da su sve ove bivše institucije prestale funkcionirati. Bankovni računi takvih struktura se moraju zatvoriti"; nadalje zapazajući da se u Deklaraciji proizisloj sa sastanka pomenutog Vijeća koji je održan u Madridu 15. i 16. decembra 1998. godine kaže da se ucvrscavanje vladavine zakona može postići inter alia raspustanjem paralelnih institucija i da Vijeće podržava rad na zaustavljanju daljeg postojanja paralelnih budžeta u nekim kantonalnim policijskim ustanovama i da je pomenuta Deklaracija ponovno naglasila da su preostale paralelne i para-konstitutivne strukture na području Federacije ilegalne i moraju smjesta biti raspustene; i konačno zapazajući da se u Predsjedničkoj izjavi o Bosni i Hercegovini koju je pročitao Predsjednik Vijeća sigurnosti Ujedinjenih naroda na

sjednici Vijeća sigurnosti održanoj u New York-u 23. marta 2001. godine. kaže da "Vijeće sigurnosti osuđuje nedavne jednostrane pokrete od strane takozvanog Hrvatskog Narodnog Sabora da uspostavi Hrvatsku samoupravu u otvorenoj suprotnosti odredbama Mirovnog Sporazuma";

Duboko zabrinut informacijom da HVO drži približno pedeset pod-racuna u Hercegovačkoj banci (čiji je glavni registrirani ured smješten u Mostaru) u koji, kako pokazuju registri, su uplaceni ogromni depoziti, ali koji ne pokazuju gdje se sada nalazi novac koji je uplaćen na takav način niti kako je novac povučen ili isplaćen na drugi način iz takvih pod-racuna;

Duboko zabrinut, također, informacijom da pomenuta Hercegovačka banka ima znatnu investiciju u firmi poznatoj pod imenom Croherc AG koja isto tako posjeduje dio firme poznate pod imenom Primus AD Mostar koja isto tako ima vlasništvo u pomenutoj Hercegovačkoj banci tako da je pitanje pravo vlasništva pomenute Hercegovačke banke nejasan, i stoga postoji zabrinutost glede nedostatka transparentnosti na području u kojem je transparentnost od temeljnog značaja u interesu opće javnosti;

Uvjeren da, u interesu javnog povjerenja u kredibilitet bankovnog sistema Bosne i Hercegovine općenito, i posebno Hercegovačke banke, postoji potreba da se obezbijedi da računi banke nisu skriveni od uobičajenog procesa računovodstva, postoji potreba da se obezbijedi izbjegavanje nanosenje štete Federalnom budžetu, postoji potreba da se obezbijedi da sav novac koji se treba opravdati odgovarajućim Federalnim vlastima je pravilno i potpuno opravdan, postoji potreba da se obezbijedi da interesi bona fide ulagaca u banku nisu ugroženi, postoji potreba da se obezbijedi transparentnost u javnom i bankovnom poslovanju, postoji potreba da se unaprijedi oslanjanje na i vjerovanje u osnovne principe demokracije, postoji potreba da se odupre uspostavljanju i/ili ozivljavanju paralelnih struktura i/ili nezakonitom finansiranju zakonitih ili fizičkih lica i tijela u Bosni i Hercegovini, postalo je neophodno za poslovanje pomenute Hercegovačke banke da bude podvrgnuta najtemeljitijoj administraciji.

Uzimajući u obzir i imajući u vidu ukupnost gore pomenutih događaja ovim donosim i zahtijevam da se objavi slijedeca:

ODLUKA

Da se imenuje Privremeni administrator za Hercegovačku banku

1. Gospodjica Toby Robinson je od 6. aprila 2001. godine imenovana kao Privremeni administrator pomenute Hercegovačke banke.
2. Pomenuto imenovanje je donijeto po i na osnovu ovlastenja datim Visokom predstavniku u skladu sa Opcim okvirnim sporazumom za mir u Bosni i Hercegovini. U cilju izbjegavanja sumnji ovim se izjavljuje da je pomenuto imenovanje donijeto bez obzira na interne zakone i propise.
3. Privremenom administratoru će se pružiti pomoć od strane specijaliziranih timova ovlastenim od strane Privremenog administratora da obavljaju dužnost po njezinim naredbama i svaki član takvog tima će dobiti pismo kao dokaz takvog ovlastenja i identificiranja nosioca.
4. Privremeni administrator i svi oni koji su ovlasteni da rade za nju će imati neometan pristup prostorijama pomenute Hercegovačke banke kao i svakoj od njezinih ureda i podružnica, i imat će kontrolu nad finansijskim sredstvima, uredima, knjigama racuna i drugim registrima i dokumentima, elektronskoj opremi, elektronskim i papirnim spisima i svim drugim sredstvima banke, uključujući njene podružnice. Takva kontrola će podrazumijevati i kontrolu nad rezervama koje u ime Hercegovačke banke drži Centralna banka Bosne i Hercegovine.
5. Privremeni administrator, uz pomoć svih onih koji imaju ovlastenja da rade za nju, se ovim ovlastava, poziva i opunomocava da poduzme sve neophodne i odgovarajuće mjere da bi se osigurala sredstva i registri banke i njenih poslovnica i podružnica kao što je gore navedeno, kako bi se spriječilo rasipanje kroz krađe ili druge neprikladne radnje.
6. Ako bi Privremeni administrator i/ili bilo ko od onih koji su imenovani i ovlasteni, kao što je prethodno rečeno da joj pomognu, bili spriječeni u izvršavanju bilo kakvih mjera neophodnih za implementaciju ove Odluke, Privremeni administrator je opunomocena, u slučaju da smatra neophodnim, zahtijevati pomoć od Mirovnih stabilizacijskih

snaga povrh vladinih tijela i zvanicnika, ukljucujuci clanove Financijske policije i Civilne policije.

7. Kadar vladinih tijela, zvanicnici, financijski policajci i drugi policajci u toku obavljanja duznosti odnosno pruzanja pomoci, kako je to gore navedeno, ce imati i zadržati u toku cijelog perioda imunitet od krivicnog gonjenja u bilo kojem sudu.

8. Privremeni administrator ce, u toku perioda takve administracije, biti odgovoran za cuvanje sredstava i nastavljjanje poslovanja pomenute Hercegovacke banke.

9. U vrijeme sluzbovanja ureda Privremenog administratora, ovlasti sluzbenika, direktora i dionicara pomenute Hercegovacke banke da donose odluke ili poduzimaju radnje, ce biti suspendovana. Privremeni administrator ce licno imati sve ovlasti takvih direktora, sluzbenika i dionicara, u skladu sa Odlukom Visokog predstavnika o njezinom imenovanju.

10. Privremeni administrator ce biti opunomocen kao imenovani Privremeni administrator Agencije za bankarstvo Federacije Bosne i Hercegovine, da inter alia:

a) prodaje sredstva i da se rijesi bilo kakvih obaveza Hercegovacke banke ako je to neophodno da se održi vrijednost iste;

b) odbaci ili izmijeni (zavisno od prava duznih trecjoj strani) ugovore sklopljene od strane Hercegovacke banke, ili obavi pregovore i zapocne nove ugovore. Sto se tice izmjene ili izmjena, takva izmjena ili izmjene mogu ukljuciti izmjenu rata, tarifa i trajanje validnosti;

c) izda naredjenja u vezi sa otpustanjem, degradiranjem ili privremenim ukljanjanjem jednog ili vise sluzbenika Hercegovacke banke sa funkcija koje trenutno obnasa takav ili takvi sluzbenici, ili izda naredjenje za promjenu podrucja odgovornosti individualnih sluzbenika Hercegovacke banke;

d) suspendira prihvacanje depozita od strane Hercegovacke banke e) potpise bilo kakve ugovore i dokumenta i prihvatiti obaveze u ime Hercegovacke banke;

f) podnese i zastupa potrazivanja kod odgovarajuceg suda ili sudova u Bosni i Hercegovini i u inostranstvu na ime i u ime Hercegovacke banke, i predstavlja interese iste u bilo kakvim sudskim procedurama u kojima se nalazi i/ili bi se mogla nalaziti;

g) suspendira bilo kakvu vrstu placanja sluzbenicima, direktorima i dionicarima Hercegovacke banke.

11. Privremeni administrator ce imati punomoc da u bilo koje vrijeme donese odluku da su svi, ili dio, depozita ili investicija uplacenih od strane javnosti u Hercegovacku banku potpuno ili djelimicno blokirani na period od maksimalno jedne godine. Ako bi se proglasila naredba o blokiranju, kako je to gore receno, Privremeni administrator ce poduzeti sve mjere koje smatra odgovarajucim u cilju privremenog ocuvanja priblizne vrijednosti takvih depozita i investicija u Hercegovackoj banci.

12. Privremeni administrator ce odgovarati Visokom predstavniku o pomenutoj administraciji kad to od nje bude zahtijevao Visoki predstavnik i njene ovlasti i pomenute administracije ce se okoncati kako od ovog trenutka odluci Visoki predstavnik.

13. Nadalje, i uz imunitet posebno osiguranim clanom 7 ove Odluke, Privremeni administrator i sve ostale osobe koje su ovlastene da rade za nju, u skladu sa ovom Odlukom Visokog predstavnika, ce bez obzira na uvjete bilo kakvog lokalnog zakona ili lokalnih zakona, imati potpun imunitet tokom citavog razdoblja od krivicnih gonjenja pokrenutih kod bilo kojeg suda u vezi sa djelima izvršenim od strane nje ili njih po ili na osnovu mandata datog ovom Odlukom i u toku obavljanja duznosti iste.

14. U cilju izbjegavanja bilo kakvih sumnji ili dvosmislenosti ovim se izricito izjavljuje i ukazuje da je odredbe ove Odluke, svaku od njih, odredio Visoki predstavnik u skladu sa njegovim medjunarodnim mandatom i stoga nisu podložna jurisdikciji sudova u Bosni i Hercegovini

Ova odluka, koja stupa na snagu odmah, ce bez odlaganja biti objavljena u Sluzbenim Novinama Federacije Bosne i Hercegovine.

Sarajevo, 5. april 2001

Wolfgang Petritsch
Visoki predstavnik

Office of the High Representative